



En lünesc, ai 29.09.2014 complësc **Franz Irsara** da Castalta **85** agn, en jöbia, ai 02.10.2014 **Lina Canins Valentini** de Puntac **85** agn y en sabeda, ai 04.10.2014 **Dr. Franz Vittur** da Pedraces **86** agn y **Arturo Canins** da Pedraces **83** agn. L'Seniorenclub y düta la Comunità de Badia ti aoda a düc dü't l'bun, sanité y benedisciun de Dî.

Sac dla Caritas: te calonia y tla ciamera dal'Ega Santa ciafeise sëgn i sac che mëss gnì da jö tla plaza dl implant portamunt Piz La Ila dal venerdì, 07.11.2014 domisdé cina la sabeda, 08.11.2014 dales 10:00.

Dé di Seniors: la Ciasa de Palsa Ojöp Frëinademetz inviëia düc en mercui, ai 01 de otober a n domisdé de aurela cörta por festejé deboriada le dé di seniors. Chi che oress tó pert po telefonè ala Pia (0471/839745) o ala Clara (0471/839775). Piun ia da Pedraces dales 14:30.

L'KVV de Badia organisëia n curs de bal lisier por jënt da mesa eté insö che ó fà movimënt y sënt l'ritm dla musiga: vigni mertesc te Ciasa Runcher dai 07.10.2014 inant (16:00 - 17:30) por 10 iadi. L'kurs vëgn tignì da Giovanna Moling y prenotesse pro Giuvana al nr. 0471/839772.

Referat „Vire te na manira sana“, cun le Dr. Robert Craffonara en mercui, ai 08.10.2014 dales 15:00 te Ciasa de Palsa a S.Martin. Düc é invià.

La Zëntrola di Consumadus é da ciafè vigni 2. y 4. venerdì dl mëis dales 9:00 ales 12:00 tla sënta dl Raiun Sozio - Sanitar a Piculin 3° alzada. I proscimi terminns: 10 y 24 de otober, 07 y 21 de novëmber. Por consulënza o informaziuns é l' numer 0474/524517.

TI **Zënter Families "Ergobando" da La Ila** sarà en mercui 01.10.2014 dales 10:00 na incuntada sot al tema "L'alimentaziun tl pröm ann de vita".

Informaziun da Comun: l'container por la desfratada de ciüf desfloris/dlacià y patüç de urt vedl é gnü metü te **plaza da parchè dl implant portamunt "La Crusc"**.

La Uniun dles Patrones dl Comun da San Martin invieia düc ala **Benedisciun** dl Tru de meditaziun a onur de Sant Ujöp Freinademetz en dumënia 05.10.2014 dales 15.00 tl ciamp sportif Pradel a San Martin.



Usc dla Cüra BADIA

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 44

Edema: 28.09. - 05.10.2014

Vangele dla Dumënia che vëgn - XXVII° dl Ann „A“. (Mt. 21,33-44)

Te chël tëmp ti à Gejù dit ai gragn proi y ai plü vedli dl popul: Aldide ciàmò n'atra parabola: Al è n patrun de n avèi che à fat na vigna, al l'ha sigada ite, à ciavè fora na tortlara (da pestè l'üa) y à fat sö na tor. Spo àl afité ia la vigna a vignadus y s'un é jü te n'ater post. Canch'al é gnü le tëmp dla racoiüda, àl ortié i fanç dai vignadus a se fà dè süa pert di früc. Mo i vignadus à pochenè sü fanç; un n'ai dramè adöm, n'ater ài copè, n terzo ài spedrè. Sön chëra àl ortié d'atri fanç, deplü co le pröm iade; cun chi ài fat bel avisa insciö. Inultima ti àl ortié so fi, deach'al se ponsà: Dan da mi fi arai bëgn respet. Canche i vignadus l'ha odü, ài dit un al ater: Chësc é l'arpadù! Inant, i le copun, ch'i arpunse so avèi. Y ai l'ha pochenè, l'ha sciurè fora dla vigna y l'ha copè.

Canch'al vëgn le patrun dla vigna: Cî sozedaral pa cun de te' vignadus? Ai ti à respognü: Al i fajarà fà na burta fin a chi malandrins, y la vigna ti afitala a d'atri vignadus, che ti darà jö i früc dal dër tëmp. Y Gejù ti à dit: Ne n'eise mai lit tla Scritöra: La pera, che i muradus à sciurè demez, é diventada pera da ciantun; chësc él stè le Signur che à fat, Dan da nüsc edli él sozedü chësc miraco? Y chël, che tomarà sön chësta pera, jarà en toç; mo sön chël, che la pera toma, chël fruziarà. Porchël ves diji: Le règn de Dî ves gnarà tut demez a os y ti gnarà dè a n popul, che portarà i früc che alda.



San Francësch

FUNZIUNS SACRES

28.09. XXVI. DUMËNIA dl ANN A

- 10.00 Mëssa por la Comunità
14.00 Festa da Bato
15.00 Ora de adoraziun
18.00 †to Edi Adang - aniversar / †ti de Fefa Adang
vis y †ti de Laurënz Irsara

29.09. Lünesc – **Ss. Arcangeli Michil, Gabriel y Rafael**

- 07:30 Prozesciun da S. Linert a La Crusc
09:30 **La Crusc:** S.Mëssa †ti Stefania y Alfonso Irsara
†ta Clara Pescoller / †to Davide Valentin

30.09. Mertesc

- 19.30 †to Linert Valentin - aniversar
por i novic Silvia Irsara y Richard Agreiter
por fam. Urban y Tecla Irsara

01.10. Mercui – Mëssa cun i scolars dla elementara

- 07.30 †to Pepele Nagler - aniversar
†ta Emma Valentin Frenademetz / †ti Thaler

02.10. Jöbia – **Ss. Angeli Custodi**

- 19.30 Zelebrazion dla Parora

03.10. Vëndres – Prüm vëndres dl mëis

- 07.30 †ti Angel y Sabina Pitscheider
†ti Gottfried y Albert Piccolruaz
†ti de Giovanna Canins Irsara en onur de S.Ujöp da Oies

04.10. Sabeda – **S.Francësch d'Assisi**

- 05.00** **La Crusc:** Ora de adoraziun
06.00 **La Crusc:** S.Mëssa por les animes dl purgatore
ad int. a S.Maria, Angeli Cust. y S.Ujöp da Oies
†to siur Heinrich Videsott
08.00 **S.Linert:** S.Mëssa en onur de S.Francësch
†tes Anna y Vittoria Deiaco
†to Giovanni Campeï /vis y †ti de Sotgherdëna
16:00 **Oies:** S.Mëssa

05.10. XXVII. DUMËNIA dl ANN A - S.Maria dl Rosare

- 10.00 Mëssa por la Comunità
15.00 *Traslaziun de Chël Bel Dî da La Crusc a S.Linert*
18.00 por i novic Christian Tavella y Angela Di Carlo
†ti Hermann y Antonia Nagler / †ti fredesc de Runch

Dala VITA dla CÛRA

Funziuns sö La Crusc

Lünesc, 29.09.2014 – *S.Michil*

07:30 Prozesciun da S.Linert a La Crusc y dales 09:30 S.Mëssa

Sabeda, 04.10.2014 – *S.Francësch*

05:00 Ora de adoraziun y dales 06:00 S.Mëssa

Dumënia, 05.10.2014

15:00 Traslaziun dla statua de Chël Bel Dî dala Crusc a S.Linert

Dumënia, 12.10.2014

15:00 Prozesciun de Chël Bel Dî da La Crusc a S.Linert



Chësta dumënia, ai 28.09.2014 ciafa l'Sacramënt dl **BATO** les piceres **Greta Maria Perot** de Francesco y Claudia Campeï y **Sofia Frenner** de Adalbert y Ingrid Alfarei. Ales piceres che tolun sö cun ligrëza te nosta comunité cristiana y a sües families les mius audanzas.

Comuniun ai amarà: ala ti vëgn portada en vëndres, prüm dl mëis, dales 10:00 inant. Sce ciàmò valgügn oress la S.Comuniun a ciasa präibel lascel alsavëi te colonia.

Leturs: te sacrestia ciafëise la plata di leturs por i proscimi mëisc.

Pelegrinaje por vëdui, vëdues y porsones sores en jöbia, ai 02.10.2014 a S.Maria Saalen a Lengmoos. An pëia ia da Pedraces dales 07:40 y l'prisc dl iade, marëna y picera marëna é de 40 €. Prenotesse cina ai 29.09.2014 al nr. 0474/590069.

Schira Jonila de Badia: por porté inant l'ativité al bëgn de nostes mitans/Schira jonila vëgnel chiri animadësses/Js-Leiterinnen(l'eté damanada é sura 18 agn). Präibel se dè na man y se anunzié pro Rita, presidënt dl Consëi de Cûra, al nr. 0471/839786.

Edema dla Fede a Al Plan y La Pli: 28 de setëmber - 3 de otober 2014

Lünesc, 29.09 dales 20:00 te colonia d'Al Plan – Referat cun G.Morotti: **Il ritorno della spiritualità e della mistica**

Mercui, 01.10. dales 20:00 te Ciasa Uniuns da La Pli – Referat cun don Paolo Renner: **Qual è la volontà di Dio?**

Jöbia, 02.10. dales 19:30 te dljia da La Pli: **Santa Mëssa**

dales 20:00 te Ciasa Uniuns da La Pli – Mësa torona cun deplö referënc: **Co ti dè sostën ales families**

Vëndres, 03.10. dales 20:00 te dljia d'Al Plan – Meditaziun por todësch:

Gemeinsam leben